

ANIJ EJ KŌKKURE SODOM IM GOMORRA

Kōttōpar ko an katak in:

- Kwaļok bwe Anij e jeļā men otemjej.
- Kwaļok bwe Anij ej dike jerōwiwi, im Ej kajeik jerōwiwi.
- Kwaļok bwe Anij, kōn An jouj, ej lōmōoren armej me rej tōmak E.

Meļeļe ko relap ilo katak in:

- Jen jab aetōle ro re nana.
- Jen jeļā bwe eļap an nana jerōwiwi in kakōļ.
- Jen lo bwe Anij ej kajeik jerōwiwi, im kōn men in jej aikuj ukeļok jān ad nana.
- Jen lo bwe Anij e jouj im kōņaan lōmōoren ro renaaj errā Ippān im tōmak E.

Ke Ebrean ear ilok jān bukwōn an, nejin ļeo jein ear ilok ippān lok. Etan likao in ej Lot. Lot ear kōmman elōñ pepe ko re bōd. Kōn ad katak kake mour eo an Lot, je maroñ katak elōñ men ikijjien wāween an Anij lōmōoren kōj.

1. Lot ear jokwe epaak ñan Sodom im Gomorra.

Jej kememej bwe kōn an lōñ mweiuk ko mweiier, Lot im Abraham raar jepel jān doon. Lot ear pepe bwe en jokwe ia? Ilo āne emman eo epaak ñan Sodom im Gomorra. Kōn kāālōt in e nana, Lot ear jino an wan lallok.

2. Jerōwiwi ko an ri Sodom im Gomorra re jab nojak jān Anij.

Ilo Jenesis 18 jebta, Anij im ruo enjeļ, ilo wāween armej, raar etal ñan ippān Ebrean im Sara. Anij ear kōņaan bar kakememej er kōn kallimur eo An bwe enaaj wor juon nejier. Kab, Anij ear kōņaan kwaļok ñan Ebrean pepe eo An kōn Sodom im Gomorra.

* **Anij e jeļā men otemjej.**



Jenesis 18:20,21 Im Jeova ear ba, “Bwe ainikien Sodom im Gomorra eļap, im bwe jerōwiwi eo aer e kanooj ļap; kiiō Ij wanlallok bwe In lo eļañņe āin aer kōmanman wōt ainikien, eo ej itok ñan Ippā; a eļañņe jab, Inaaj jeļā.”

Anij e jeļā men otemjej. Meņe ear orlok im lōñ lok armej ro ioon laļ, Anij ear jeļā lōmņak ko im jermal ko an kajjojo iaer. Armej rej ri jerōwiwi, im Anij ej dike jerōwiwi ko aer. Etto an ri Sodom im Gomorra jerōwiwi.

Etke e ruņwij wōt an Jeova ekajet er? Bōlen armej rein raar lōmņak bwe Anij ear jab lo kōmman ko aer re nana. Bōlen raar lōmņak bwe Anij Ear jab care. Āindein an elōñ armej lōmņak ilo raan kein. Kōn an Anij jab man er ilo iien aer kōmman jerōwiwi, rej lōmņak bwe Ejab inepata kake. E mool ke men in?



2 Piter 3:9 Irooj e jab ruṃwɨj kōn An kallimur, āinwōt jet rej watōk ruṃwɨj, a Ej meanwōd ṅan koṃ, im jab kōṅnaan bwe jabdewōt en jako, a bwe ren otemjej itok im ukeḷok ippaer.

Etke ear ruṃwɨj an Anij koḷkure ri Sodom im Gomorra? Kōnke Ear jouj ṅan er. Ear tūriamo kake er. Ear leḷok ṅan er iien ukeḷok. Bōtab raar jerwaane An jouj. E lukkuun mejel kilen armej. Kōn an Anij jab kaje er mōkaj, rej lōmṅak bwe E jab bar lōmṅak kaki bōd ko aer. Unin an Anij kattar, kōnke emṅan ḷok ukeḷok jān kaje. Emṅan ḷok jouj jān illu. Bōtab juon raan enaaj jemḷok an Anij jouj ṅan ro ri laḷ, im Enaaj lutōk ḷok ioon laḷ in bwil in illu eo An.

3. Ebream ear akweḷap ṅan Anij.

E alikkar ṅan Ebream bwe Anij enaaj koḷkure ro ri Sodom im Gomorra.



Jenesis 18:23 Im Ebream ear kepaak E im ba, “Kwō naaj koḷkure rū wānōk ippān ri jerōwiwi ke?”

Ebream ear kajjitōk im ba, “Ñe elōñ 50 rū wānōk, Kwō naaj koḷkure Sodom ke?” Jeova ear uwaak im ba, “Ñe elōñ 50 rū wānōk innām Inaaj tūriamo kake Sodom.”

Emōj, Ebream ear kadikḷok oran rū wānōk ṅan 40, 30 im 20. Ālik tata ej ba kōn 10. Ta Anij ejab jeḷā ke bwe elōñ jilu wōt rū wānōk ilo Sodom? Etke Ear kōnono āindein ṅan Ebream? Jeova E kōṅnaan bwe Ebream en jeḷā lukkuun joṅan an Sodom im Gomorra nana. Lale mōk. Āindein an Anij kar kajitūkin Adam. E ba, “Kwō pād ia? Wōn ear ba ṅan eok bwe kwe keelwan?” Āindein an Anij kar kajitūkin Kein. “E pād ia jatōm?” Anij e jeḷā men otemjej. E jab aikuj kajjitōk kake jabdewōt. Unin An kajitūkin armej ej bwe ren lukkuun kile joṅan an nana jerōwiwi ko aer.

4. Enjeḷ ro an Irooj raar loḷok Sodom.



Jenesis 19:1 Im enjeḷ ro ruo raar itok ṅan Sodom ke e jota, im Lot ej jijet ilo kōjām in Sodom. Im ke Lot ear lo er, ej jutak bwe en wōnṅae er, im ej make badikdik mejān ṅan laḷ.

Mokta, Lot ear jokwe ilo juon em nuknuk epaake Sodom. E lak reel būruōn Lot, ej emṅakūt ḷok ṅan Sodom. Ejab to an jokwe Sodom im ear erom juon ri utiej ilo Sodom. Ilo mantin ri etto armej eo me ej jijet ilo kōjām in juon jikin kweilok ej juon ri utiej. Ej juon ri ekajet. E lukkuun ḷap an Lot aetoli ro ri nana.

Ejab to an enjeḷ ro pād mweo imōn Lot, im rej itok aolep emṅaan im ḷaddik. Raar kōpool mweo imōn Lot im jiroñ e bwe en jilkinḷok armej ro (enjeḷ ro) ṅan ippaer bwe ren babu ippaer.

*** Armej rej ri jerōwiwi. Ej aikuj Anij bwe e jab maroñ make loṃṃoren e.**



Jenesis 19:4,5 A mokta jān aerro babu, ṃaan ro ilo jikin kweilok eo, aet, ṃaan in Sodom, raar kōpool mweo, rūtto im ḷaddik, armej otemjej jān ijo ko otemjej; im raar kūr Lot im ba ṅan e, “Ewi armej ro raar itok ṅan ippam boñin in? Kwōn āñintok er ṅan kōm, bwe kōmin jeḷā er.”

Jerowiwi eo eļap an ri Sodom ej kakōļ. Eoon in ej ba bwe rūtto im bar ļaddik rej kakōļ. Raar kōņaan kōkkure enjeļ ro ruo (bwe re jaje bwe er enjeļ kōnke raar waļok im ainwōt armej). Raar likūt men in juon wāween ikkure.

Ej ankilaan Anij ke bwe juon eņņaan en babu ippān bar juon eņņaan? E jab. Ankilaan Anij ej bwe juon eņņaan en bōk juon kōrā im pād ippān toōn wōt aerro mour. Anij ear kōņņan eņņaan im kōrā bwe ren mōņōņō ilo aer pād ippān doon. Aer kōņņan jabdewōt ej juon men eņņan jān Anij, bōtab en ippān ro ri mare wōt. E lukkuun bar orļok jerowiwi in kakōļ ilo raan kein. Armej re kōņaan wōt loore eņjake ko aer. Re jab kōņaan kautiej Anij im loore Naan ko An.



5. Anij ear lōmoņoren Lot.

*** Armej rej ri jerowiwi. Ej aikuj Anij bwe e jab maroņ make lōmoņoren e.**

Lot ear diwōjļok jān mweo iņōn im kōņņaanoķ armej ro bwe e nana men eo re kōņaan kōņņane im bwe ren jab kabņōņōik ri lotok ro. Armej ro raar illu ippān Lot.



Jenesis 19:9-11 Im raar ba, “Kwōn ruwaakwōj.” Im raar bar ba, “Kijak in ear iten pād, im ej make kairooj e ilo ekajet; kiiō eļapļok am naaj kōkkure eok jān erro.” Im raar kanooj iuuni armej eo, aet Lot, im kepaak bwe ren rupe aor eo. A armej ro raar kōteļļok peir im kekaaketok Lot ñan ippaer ilowan mweo, im kiil aor eo. Im raar man jar eo iturin kōjām in mweo kōn pilo, ro re dik im ro re rūtto, ainwōt bwe re mōk in pukōt aor eo.

Anij ear jipaņ Lot bwe armej ro ren jab kōkkure e. Ak eņōj an Anij pepe in kōkkure aolep armej ilo Sodom im Gomorra.



Jenesis 19:12-17 Im armej ro raar ba ñan Lot, “E bar wor ke nukwōm i ānin? Neļōm eņņaan, im lōmaro neļōm im liņaro neļōm, im jabdewōt men ko am i jikin kweilok in, kwōn āñinļok er jān jikin kweilok in. [13] Bwe kōm naaj kōkkure jikin kweilok in, bwe aer lamōj e kanooj ļap iņaan mejān Jeova, im Jeova ear jilkintok kōmro bwe kōmin kōkkure.” [14] Im Lot ear diwōjļok im kōnono ippān ro neļin eņņaan, ro renaaj kar pāleik liņaro neļin, im ba, “Kōmwin jutak, im ilok jān ijin, bwe Jeova enaaj kōkkure jikin kweilok in.” A ej ainwōt juon ri kajjirere ñan ro neļin eņņaan. [15] Im ke ej raantak, innām enjeļ ro raar kakijooror Lot im ba, “Kwōn jutak, im āñin lio pāleom, im liņaro neļōm, rej pād ijin, bwe koņ jab jako ilo nana an jikin kweilok in.” [16] A e ruņwij, im lōmaro raar kabwijere pein, im pein lio pāleen, im pein liņaro ruo neļin, kōnke Jeova ej tūriaņokake e, im raar āñinļok e im likūt e ilikin jikin kweilok eo. [17] Innām, ke raar pād ilikin, ear ba, “Kwōn ko bwe kwōn mour! Jab reilik, im jab pād i aolepen āne pikin wōt juon; kwōn ko ñan toļ en, bwe kwōn jab jako.”

Eļāņņe Anij ear jab kōņņaanoķ Lot kōn An naaj kōkkure Sodom, Lot enaaj kar jeļā kake ke? E ban kar. Unin an Lot jeļā im mour ej kōnke Anij ear jouj ñan e.

Etke Anij Ear lōmoņoren Lot? Kōn an eņņan ke? Jaab. Ear juon ri jerowiwi jān iien an ļotak. Eļap an Lot kar aetōļ i ro ri nana. Ear mōņōņō in jokwe ippān kakōļ ro. Lot ear jab tiljek ñan Anij. Anij Ear

lomooren Lot kōn An jouj. Anij Ear jiroñ Lot bwe en ko jān illu eo An. Lot ear lōke Anij im ko.

* **Anij e jouj im emman.**

Enjel ro raar jibwe pein Lot im āninlōk e jān jikin kweilōk eo mokta jān An kōkkure Sodom. Meñe Lot ear juon ri jerōwiwi, emōj an Anij lomooren e jān jerōwiwi ko an im jān mej indeeo. Anij ej lomooren ro rej errā Ippān kōn aer jerōwiwi im kōn mej an Ri Lomoor eo ilo jikier.


- Ebel ear errā ippān Anij im lōke E, im Anij ear bōk Ebel.
- Noa ear errā ippān Anij im lōke E, im Anij ear lomooren e.
- Lot ear errā ippān Anij im lōke E, im Anij ear lomooren e.

6. Anij ear kōkkure Sodom im Gomorra.

* **Anij e kwōjarjar im wānōk. Ej ba bwe ro rej jerōwiwi rej aikuj in mej.**



Jenesis 19:24,25 Innām Jeova ear kowōtlōk jān lañ ioon Sodom im Gomorra, brimston im kijeek jān Jeova, im Ear kōkkure jikin kweilōk ko, im aolepen āneo pikin wōt juon, im ro otemjej rej jokwe ilo jikin kweilōk ko, im men ko otemjej rej eddek jān āne.



Ejjeļok juon armej ak menninmour ear ko jān Anij. Aolep im mej. Anij ej dike jerōwiwi. Ilo tōr eo an Noa ejjeļok juon armej tu-likin wa eo ear ko jān illu an Anij. Noa im baamle eo an wōt raar mour. Bwe? Kōn aer tōmak Anij.

Lot im limaro nejin wōt raar mour. Bwe? Kōn aer tōmak Anij. Juon raan Anij enaaj kōkkure aolep ro me re jab tōmak E. Ejjeļok juon enaaj ko jān illu eo An.



2 Piter 2:6 Im Ear kanooj tile jikin kweilōk ko Sodom im Gomorra, im liaaklōk er ñan kōkkure, im likūt er joñak ñan ro re naaj kōmman nana tokālik.

Anij e jab oktak. Ej lo im dike jerōwiwi. Ejjeļok e maroñ ko jān ekajet eo An.

7. Kōrā eo ippān Lot ear reilōk lōk.



Jenesis 19:26 A lio pāleen ear reiliklōk jān ālikin leo, im ej erom jurōn joļ.

Anij e kwōjarjar. Eļap an dike jerōwiwi. Aolep iien Ej jiroñ armej bwe oņean jerōwiwi mej. Bōtab elōñ rejab lōke E. Enjel ro raar jiroñ Lot im baamle eo an bwe ren ko im jab reilōk lōk. Mool bwe ānbwinnin kōrā eo ear ko jān Sodom ak būruon ear pād wōt. Meñe ear ko, ear kōnaan pād wōt. Anij e jab riab. Ejab kōmman kōjak. Ñe Ej ba juon men enaaj kōmmane. Kōrā eo ear jorrāan

āinwōt an Anij ba, kōnke ear jab tōmak E.

Elōñ rej ukeļok ilo raan kein, bōtab rej iokwe wōt men ko ilo laļ in. Meñe ānbwinneir rej pād ilo juon mōn jar, būrueir rej pād ilo laļ in. Elōñ rej ukeļok ak re jab watōk er lukkuun ri nana. Elōñ rej ļomņak bwe rej kabuñ būruon Anij kōn aer ukeļok. Aņ ukeļok e ban kabuñ būruon Anij eļañņe kwō jab kile ilo būruōm bwe kwe lukkuun ri nana. Aņ ukeļok e ban kabuñ būruōn Anij eļañņe kwō jab tōmak ilo Jijej im E wōt ñan kawānōk im ļomņoren yuk.



Sam 32:5 Iar kwalok ñan Eok aō bōd, im aō jerowiwī Iar jab nooje; iar ba, inaaļ kwalok aō jebwābwe ñan Jeova, im Kwaar joļok nana an aō bōd.

Etke Anij Ear ļomņoren Lot? Eļap an Lot kar aetōl i ro ri nana. Ear mōñōñō in jokwe ippān kakōļ ro. Ke eņōj an ko jān Sodom, ear kadek im babu ippān liņaro nejin. Lot ear jab tiljek ñan Anij. Anij ear ļomņoren Lot kōn An jouj. Anij ear jiroñ Lot bwe en ko jān illu eo An. Lot ear lōke Anij im ko.



2 Piter 2:7 Im Ear ļomņoren Lot, armeļ e wānōk, ke eļap an būromōj kōn an ro ri nana kōmņan ilo ejej.

Meñe Lot ear kōmņan elōñ men ko re nana, ear juon rū wānōk. Jej wānōk kōn tōmak Jijej, jab kōn jermal ko reņņan jej kōmņani. Kwōj keememeļ ke Kiiñ Devid? Meñe ear kōmņan elōñ jerowiwī ko rej kanooj in nana, Anij ear ļomņoren e. Eļap ad nana, bōtab Anij maroñ ļomņoren kōj. Jermal ko ad re ban kabuñ būruōn Anij. Tōmak eo ad ilo Jijej enaaļ kabuñ būruōn Anij.



Epesōs 2:8,9 Bwe kōn jouj eņōj ļomņoreņi kōn tōmak; im men eo ejab jān koņ make, e an Anij lewōj; jab kōn jermal ko bwe ejjeļok en kōmmejāje.

Kajjitōk ko

1. Ta eo im Anij loe ilo Sodom im Gomorra?
2. Etke Anij ear jab mōkaj in kōkkure Sodom im Gomorra?
3. Eļap an kar Ebream akwelap ñan Anij bwe en jab kōmņan ta?
4. Wōn eo im ear wānōk ilo Sodom im Gomorra?
5. Mōmņaan ro ilo Sodom im Gomorra raar kōņaan kōmņan ta ñan enjeļ ro raar iten ļomņoren Lot?
6. Enjeļ ro raar kōmņan ta ñan er?
7. Ta eo ear waļok ñan kōrā eo ippān Lot ilo iien aer ko?
8. Ewi wāween an kar Anij kōkkure Sodom im Gomorra?
9. Lot ear ke mour jān jorrāan ko me raar buñōt Sodom kōn jabdewōt men ear kōmņan e?
10. Eļañņe Anij ear jab pepe in ļomņoren Lot, enaaļ kar mour ke?
11. Eņōj ke an Anij kakkōļ kōj bwe jen ko jān jorrāan eo me enaaļ waļok ñan kōj ri jerowiwī?
12. Ewi wāween ad ko?